

四庫全書

史部

欽定四庫全書

赤城志卷二十九

宋 陳耆卿 撰

寺觀門三

寺院

仙居

禪院一十有六

顯慶寺在縣西五十步舊在紫籜山下名顯元梁天監  
二年建隋大業元年廢唐貞觀十年重建天寶六

年有神光現今址遂徙之改光明山會昌五年廢

大中二年重建國朝祥符元年改今額舊傳大觀初僧象寧

謀初應真閣夢二神僧丹衣告曰鉄山潭有鉄柱宜往取之及寤往視柱果出波上人以為異遂樂

成之

興道院在縣南三里南峯舊名興善慶歷中建治平三

年改今額上有浮圖曰南塔及涵清亭藍光趨稼

二軒瞰大溪為放生池焉陳襄詩云今日登南塔懷愁不自勝年華催鬢

髮身計憶岩稜道業愁諸子根源畏老僧何當論去就細得問龜朋劉光詩云百尺擎空窄堵波

羣峯奈此獨高何鼓鐘鳴處是非外天地望中蒼  
翠多聞青野雲披玉柱醉眠秋浪捲銀河問師乞  
取軒前月一榻清風許我麼郭明甫題涵清亭有  
云山光竹影交寒輝下有碧浸吹漣漪沙痕隱隱  
白鳥去石聲鑿鑿扁舟歸蒹蘭發馨禪味遠雲霧  
吐秀人家稀須知春事不可挽杜鵑已遠林中飛  
令楊筠題云水縹山腰點萬松雲扶翠岫擁寒空  
此溪定入桃源去時見波間有落紅又云民既無爭  
景自長淡然相對一爐香欲收鼻觀還無暇寄謝  
南山古道場葉翁題藍光軒云出郭纔咫尺便  
覺山意幽招提立絕頂竇塔凌空浮小軒足娛客  
下有清溪流翠岫供遠眺真欲明雙眸平蕪草肥  
軟飽飼眠吳牛沙頭水色靜飛上剛白鷗人稀日  
亭午野渡橫孤舟坐久意逾爽吹袂風颼颼想當  
三伏天凜然如素秋簿書叢裏來悅若脫羈囚乘  
興偶登覽不謂成勝遊平生志所願一壑與一丘

脚力到佳處須作信宿留南峯只在眼不必勞冥  
搜當時輞川圖景物有此不學貴守所見出處各  
異謀淵明亦高  
哉未肯屈督郵

廣度院在縣北三十里紫箬山上舊在西隅百步名瑞

峯唐天寶元年建會昌中廢晉天福中重建國朝

宣和中改今額紹興二十年僧蘊璋徙今地地枕

溪帶壑林麓衍美居者多執朮焉

郭三益題云嘉和均四時曜靈

有急節沈迷簿領書坐嘆春事歇及該新雨收西  
郊初發蒼頊山氣嘉春悍溪流活風驚麥翻浪  
水淨秋抽髮漸窮蕭寺幽煩使煩襟豁峰喧噴蜜  
坦鳥落啼林血高僧日無事種米畦畝綠苗已

紵紫紫花行後結吾欲  
訪長生終歲期採擷

奉聖院在縣西南一十里隆興中建舊傳僧宗秀誦蓮  
經有蓮華自地湧出故俗稱蓮堂云

東寶相院在縣東一十二里舊名普勝塔院唐昭宗時  
建國朝天聖四年改今額淳熙二年重建

三學院在縣東二十里舊名西仁吳越時改遇明國朝  
景德二年改今額

多福院在縣東二十五里慶歷三年建

一云治平二年

有分翠

軒

宣妙院在縣西北三十里劉漢乾祐元年建紹興五年  
重建

法明院在縣西南四十里舊名景星唐乾符三年建治  
平三年改今額

殊勝院在縣西北五十里舊名奉國紹興九年重建國  
朝治平中改今額

西寶相院在縣西五十里舊名梁興梁天建三年建國

朝大中祥符元年改今額紹興二十二年重建

治平院在縣西七十里舊名廣業唐建中三年建國朝

大中祥符元年改今額

慈安院在縣東北三十里建炎三年建

興化院在縣西北三十五里開寶八年建

護聖院在縣東南五十里唐乾寧元年建

廣嚴院在縣東一十里慶歷三年建

教院三



集福院在縣北一十里天聖二年建

崇教院在縣南二十里大中祥符二年建靖康元年重

建

普信院在縣南四十里舊名興國開寶八年建治平三年改今額

甲乙院二十有三

金像寺在縣西三十五里舊名聖像五代時常氏子捨宅建以其初斲地得石佛故名歲久無碑識惟石

幢歸然唐垂拱三年立也

舊傳自海上浮至色如乳人取其屑以愈疾焉

國朝治平改今額

淨梵院在縣西南一十五里梁天監中建國朝宣和中

僧梵臻重建

呂本中記云佛之為說與孔子異乎不異也何以知其不異也以其為教

知之孔子以知止而后有定定而后能靜靜而后能安安而后能慮慮而后能得也孔子傳之曾子曾子傳之子思子思傳之孟子笑而佛之教由戒生定由定生慧蓋與大學之說無異者孟子以萬物皆備於我反身而誠樂莫大焉而佛之說以天地萬物皆吾心之所見山河大地皆吾身之所有正與孟子之說同吾以是知佛之說與孔子不異也然而區區施設則有若不同者世人惑焉而生

異論竭智畢精以相攻訐而卒不測其要則不知其所以異者迹然也雖然迹安所自出哉此非默識心通實至此者不能知其實然也彼方且從事於文字言語不揣其本而欲判其果同與異則亦易惑矣雖然物有本末事有終始自佛與孔子使學者知所後先皆然未有不思而得無為而成由思至於無思有為至於無為然後為學之正有意於善者不可忽也妙湛禪師思慧以道德譽望震耀一時具所以教其徒者有終始本末如吾前所陳自頃所聞來所至兵火佛與殿廢不支者多矣台州仙居縣淨梵院去邑十五里許首建梁天監中宣和盜起清溪延蔓遍浙東院為賊所焚僧梵鑠力行士也慨然憫之廣求信士銖積寸累因院舊基規模宏大而一新之誨僧惠宗為之勸首數年而工畢不知其兵火之餘也天台之人咸嘉臻之勤而重其志始佛殿未成衆患無大木可就一

夕溪水漲得大木沙磧中殿遂成識者知其有神相也吾以是知有為之功為不可廢由思至於無思有為至於無為天下通論不可易也而世之學佛者率抱虛自大自誦佛號作觀持禁戒悉棄不為曰是有為者非吾所致力也彼蓋不知二者之相須闕一不可本末次第不可誣也觀臻之所以全復舊宇崇飭備具亦可少媿矣梵臻舊從妙湛師遊漸滋餘潤固久院成妙湛屬本中為記大概不可以已故以佛孔子不異者并告之庶居其屋而遊其中知有為無為之相須而佛孔子之所以不異者或有得於斯言也

萬安院在縣西南四十五里舊名萬壽唐乾符中建國朝天聖六年改今額其地深窈與塵境絕山環水

抱茂林脩竹之勝土號方竹源左升崇岡重巒  
複嶺如屏列可眺可詠舊有斗起亭建炎中薛左  
丞昂避地居之

福延院在縣西四十五里天禧三年建舊傳僧請徹卓

庵于此有猛虎馴伏焉

許操題云一山屈曲如回肘前有虎眠當水口陰森

萬木綠參天秀色崢嶸欲飛走神仙渺邈不可問  
簫鼓尚能喧耳否朝風暮雨無歲年應是蒼苔暗

斗科

大興院在縣東

闕

十五里開寶八年建四峯環遶前瞰

大溪有巨石屹橫流中狀若牛然故俗號石牛云  
正覺院在縣東南七里舊名珠頭岩開寶八年建治平

三年改今額

崇相院在縣西二十五里舊在溪西平坡名靈峯開寶  
中建天禧元年以圯于水徙今地仍改今額

精嚴院在縣西三十里舊名靈泉唐乾符五年建國朝  
治平三年改今額

普勝院在縣東北三十里後唐長興二年建國朝治平

四年賜額

鷲峯院在縣東南三十里舊名幽禪宣和中有貞教師  
主白蓮後學宗之至今懺法禮鷲峯尊者云靖康  
元年重建

淨居院在縣西北四十里後廢乾道中吳康肅爺俾僧  
行機重建

善因院在縣南五十里舊名招福唐廣明八年建國朝  
治平三年改今額

正貞院在縣東南五十里唐末僧闕靜建國朝紹興二

年重建

淨樂院在縣西七十里唐咸通二年建舊名興樂國朝

治平三年賜今額

廣福院在縣西一百四十里咸平三年建

明聖院在縣西一十五里景祐五年建

清修院在縣西二十五里開寶中建後廢開禧元年重

新之



寶積院在縣東南三十里治平三年建

慧門院在縣西三十五里景祐五年建仍賜額

梵嚴院在縣西四十里元祐六年建

普光院在縣西南八十里

漏澤院在縣西北二里崇寧三年建蓋奉詔瘞叢骸之

地今廢

覺海院在縣東三十五里建炎三年建今廢

尼院四

淨勝院在縣西南五十里舊名寶勝俗傳唐時陳長者

捨基建晉天福中賜額國朝治平三年改今額

大仁院在縣西南四十五里紹興十七年建

明覺院在縣南三十里紹興二年建

壽寧院在縣西二十里大觀元年建今廢

### 寧海

禪院一十有二

崇教寺在縣西二里舊在縣北三十里名清泉梁天監

元年建隋大業元年廢唐乾元元年徙今地會昌  
中廢大中元年復建國朝大中祥符改今額舊有

筠軒

左緯詩云只把山為界紅塵自此分竹窗吟  
聽雪苔石坐看雲意靜詩先到心清道自閒

深慙王許輩猿鶴舊同羣羅適筠軒詩云夜憶  
清軒上都忘居會稽秋聲先在竹月色最宜溪銀  
漢簷前直玉繩天外低何  
人倚欄檻為聽下莊雞

壽寧寺在縣南一十里舊名白水庵晉義熙元年僧曇

猷建時猷自海乘槎至卓錫泉湧故以為名晉天

福五年改名海晏國朝淳化元年改今額門外有

猷所携石高數尺許石上有紹聖中高述陳安道  
以下題字其西三十步有洗腸井其水白色旱澇  
不損益太宗搜訪名山工部侍郎王化基奏聞至  
道元年遣內侍裴愈手御書三十軸以賜後多散  
逸云

淨土院在縣東四十五里舊名資國唐武德中建國朝

治平三年改今額

周弁詩云一逕森森入翠微翠微深處見禪扉倚雲殿閣金相

照蔽日松杉碧四圍竹引澗泉寒遠屋雨蒸山霏  
潤侵木十年遊宦今重到景物依前舊識稀楊傑

詩云岩谷連天嶺杉松徹象山路從雲外入人自  
海邊還禪榻紅塵斷經牕白晝閒玉蓮生有處香  
滿翠微間孫大廬詩云流水元依澗孤雲不著  
山萬緣機慮斷一點淨明還立雪人何在銜花鳥  
自閒羣昏疑網破雄論落人間又詩云白蓮開  
綠水佛子舊家山淨境無南北塵心有去還林深  
天籟遠風定水雲間何  
日逢征騎重來翠嶽間

寶嚴院在縣北九十二里舊名茶山寶元中建相傳開  
山初有一白衣道者植茶本于山中故今所產特  
盛治平中僧宗辯携之入都獻蔡端明襄蔡謂其  
品在日鑄上為乞今額

清居院在縣東一十里治平三年建仍賜額山絕頂如  
菡萏舊傳僧曇猷乘槎自海至嘗卓庵焉

廣潤院在縣西南五十里舊名普濟晉僧曇猷建國朝  
大中祥符中改今額

演法院在縣西南六十里唐景福中僧行恭建國朝大  
中祥符元年賜額

慈源院在縣東南一百五十里舊名龍泉晉天福七年  
建國朝治平三年改今額

法安院在縣東一百五十里一名古洞淳熙三年僧惠  
本重建

廣福院在縣東二百五十里舊名資國太平興國

闕

年

建治平三年改今額

大覺院在縣西南五十里開寶中建

妙勝院在縣東海中二百里開寶中建

教院一十有四

永樂院在縣西南五十里舊名海雲梁天監中居人蔣

政捨宅建政蜀人琬之後嘗隱于此故其地名蔣山隋更名海月唐乾符中僧道隆重建更名永安

國朝治平初改今額元祐中僧禹昭又新之

羅提刑適

記云余成童時好讀書而鄉中無文籍唯鄉先生朱叟絳世傳論語毛詩皆無註解余手寫讀之茫然不知義旨之罅隙唯永嘆而已慶厯中有僧智賢師禹昭師皆里釋之秀者同遊錢塘傳智者教以餘力事明靜大師惟賢通儒書能講五經論語二師性明敏志堅而氣剛各以儒釋二家自負不少下人余因得與二師遊假其書叩其論議日浸淫開發聞此達彼由是知聖賢之門牆有可入者遂尋師訪友以終所業余知經術之為樂權輿於二師也熙寧初余以赴泗水令去鄉凡二十有五年元祐六年始按刑二浙明年春抵鄉曲智賢



已謝世惟禹昭師送余於王受嶺師雖雪眉松骨  
老瘦成翁其神清氣靜儼然若昔時叙別話舊傷  
往而感來遂相與泣然流涕師且告余曰此去東  
南三里即蔣山其院名永樂老身之故棲也願公  
臨之因與之踏雲躡翠入長松之徑登堂皇卷簾  
四顧美乎哉前岩後峯左岡右隴流泉若蛇盤屈  
而東注東北有峯最高曰石柱師曰以多大楞名  
之也是時春色在物夕陽滿山野花開而百鳥啼  
微風起而白雲亂幽芳可憫逸興俄生於是與師  
扶欄握手相顧而笑論無生之法盡滌明

因求抄作記具問  
文通避地居闕

寺隋改曰闕  
鄉人王闕

中捨宅為海雲  
諱政字  
所焚錢氏乾符中  
越王易名永安本朝

淳化中貞闕

禹昭闕

覺亦增葺焉治平初賜今額

信士闕

大殿作三門次建法堂僧堂方丈

僧闕

庫及賓客之館凡七十楹皆撤舊成新易

早為高始熙寧五年終元祐八年功告畢余得闕

錄久弗暇書易路幾右坐諫昌府久要堂竊闕

之自余登第三紀矣鄉曲少年無登第者亦無僧

以儒釋學自負如二師者然則山川秀氣豈總於

吾黨也必將有豪傑之士發憤自奮或儒或釋揚

名天下者矣然則余老矣不知能及其見否也因

取其所錄暨余與二師相遇之始末及前日歸鄉

之新事載之鄙文使吾黨少年他日觀吾文知我

起白屋之艱若在故舊之難忘能自激昂以成厥

志此本作記之微意其院之吟域則紀于碑陰云

爾

法昌院在縣北二十五里舊名赤山菩提唐大順三年  
建後又改靈山國朝大中祥符三年改今額

玉溪院在縣東南八十里舊名湫水唐元和五年以湫  
水潭應禱而建國朝大中祥符元年賜今額

丹丘院在縣南九十里宋元嘉二年梅長者

闕

其誦經感丹鳳賜名丹丘

闕

改為院大中祥符中賜今額

闕  
百里五代時軍將王德

闕

址也周廣順元年賜名

闕

三年改今額

闕縣北一十五里太平興國八年建治平

闕年

賜額

慈尊院在縣東二十里晉時建國朝大中祥符元年賜額

延壽院在縣東南三十里舊名保安崇壽乾德二年建

大中祥符三年改今額

興梵院在縣南五十里舊名興國開寶中建治平關年

改今額

慈勝院在縣南七十里舊名慈安景德元年建治平三

年改今額

靈峰院在縣東北八十里吳越尚書葉預捨宅建國朝

開寶中賜名三峯治平三年改今額

多寶院在縣西九十里舊名龍祥晉僧曇猷建國朝治

平三年改今額

關西南一百里大龍山舊名興國治關

關里治平三年建

甲乙院一十有九

崇福院在縣西南二十五里梁王山俗號梁王寺舊名

資福唐武德中建國朝大中祥符中改今額元祐

四年僧懷智造藏殿

羅提刑適為之記

有主簿洪皓祠前

有古松盤偃詰曲若蛇龍然相傳數百年陰蓋數

畝雖畫工不能竟其狀紹熙四年令方懋烈亭其

側

王常博漂為之記

妙相院在縣東五十步舊在縣西三十步又名赤山梁

天監元年建隨大業中廢唐乾元元年徙今地吳

越寶正三年改海晏國朝大中祥符元年改今額

慈雲院在縣西一十五里舊名齊雲唐咸通三年建國

朝治平三年改今額

羅提刑適詩云七十有餘歲不曾遊此山因尋白雲路深

入翠微間曉澗烟霞合春巖草木斑誰灰心地火占取一生閒

瑞相院在縣東三十五里唐貞觀二年建吳越時葉大傳景泰捨基闢之國朝治平三年賜額

吉祥院在縣西北四十里舊名雁蒼唐武德元年建有旃檀觀音僧了性事之甚嚴每禱輒應又有蓬萊徑冰泉皆唐人所名國朝治平三年改今額

福興院在縣南一十里舊名福全庵開寶中剡人王氏捨基建治平三年改今額

廣修院在縣西南一十五里舊名觀音唐大順中建國



朝治平三年改今額

明智院在縣北二十五里舊名鄧水石晉會同中建國

朝治平三年改今額

大智院在縣北三十里舊名觀音乾德中建治平三年

改今額

永福院在縣西四十里舊名柯山太平興國中建蓋僧

曇猷駐錫之地

普福院在縣東五十里舊名保福乾德中建治平三年

改今額

明恩院在縣東北六十里唐乾元中建國朝治平三年

賜額

大寧院在縣北六十里舊名新寧晉天福中建國朝治

平三年改今額

保寧院在縣北六十里舊名保安雍熙中建治平三年

改今額

明因院在縣東南一百三十里晉會同中建國朝治平

三年賜額

安住院在縣東南一百六十里舊名安和唐大順中建

國朝治平三年改今額

福聖院在縣東六十里開寶中建

護法院在縣東海中二百里太平興國中建

天真院在縣東海中二百里治平三年建

尼院一

廣報院在縣西二里嘉定十一年尼普文建十四年賜

額

赤城志卷二十九

欽定四庫全書

赤城志卷三十

宋 陳耆卿 撰

寺觀門四

宮觀

州

天慶觀在州東北一里一百步面挹雙峯背負重崗號  
城闔勝地舊為白鶴觀按尤守袞昊天殿記未詳  
建立歲月夏英公竦三官堂碑云因茅盈駕鶴上

仙故名然按杜光庭靈驗記云天皇東封鶴集其壇俾諸州為老子築宮號以白鶴陳師道詩話亦曰唐高宗東封有鶴下焉乃詔諸州為老子築宮以白鶴為名此建觀之始夏說誤也後廢至開元中獲天寶度人經建天寶臺

扁榜乃徐浩書上有銅鐘開元十二年所

鑄復建觀榜曰開元天寶中鑄銅老子像晉天福五年道士黃永乾居之國朝大中祥符元年更名護國先是景德五年己丑左承天門天書降戊辰

改元大中祥符以其日為天慶節二年詔東京建

昭應宮天下建天慶觀且加九天司命尊號曰保

生天尊五年十月二十四日天尊降延恩殿

按應天降

落碑上親奉聖言吾人皇九人中一人也是趙之  
始祖有功於世再降乃軒轅皇帝凡世所知少典  
之子非也吾於後唐時奉  
玉皇命與趙族已百年矣詔以其日為降聖節初

聖祖殿賜金寶牌以玉清昭應宮成天尊萬壽金

寶為文政和六年初昊天殿淳熙四年錢參政端

禮復新之

聖祖殿前有兩鉅松甚怪世傳茯苓產  
其下又道士壁間有范子砥所繪牛及



林禽人傳  
其妙云

栖霞宮在州西北二百六十步舊名白雲菴唐中和中

建道士王乾符朱霄外主之霄外以道術為錢忠

懿王所知遂葺庵為觀與天慶觀號東西二宮國

朝淳化中頒宸翰大中祥符中賜今額元豐三年

建嶽殿于其西有五嶽真形圖在焉

僧長吉詩云  
龍虎丹砂煉

已成方瞳綠髮仙  
骨輕石床半醉海  
月冷芝軒長  
嘯天風清時泛  
綠觥陪俠客終  
騎赤鯉歸蓬瀛  
朝

簪相訪惜迴馭  
塵

奏瑤琴太古聲

臨海

棲貞觀在縣南三十里舊名蓋竹蓋許邁故居晉時建  
舊在山外有石室登霞臺葛元禮斗壇卧龍潭隋  
大業中廢國朝政和八年重建宣和元年改今額  
淳熙八年唐守仲友徙今地

丹丘觀在縣西北三十里舊名成德梁時建隋大業中  
廢國朝政和八年重建改今額

燈壇觀在縣西南六十里按舊經云晉陶弘景結廬于

此後以為觀隋大業中廢

龍興觀在縣東北三里唐神龍元年建

沈佺期為之記

後廢

景星觀在縣南一里唐乾元中建後廢

### 黃巖

定光觀在縣西北一里舊名龍光吳黃武中建

一傳朱霄外建

初觀北江流渾翳中一潭獨澄泚有龍居之時亢

旱忽水自潭湧赤光燭天故名其潭曰龍光因以

名觀亦為中改今額前有二池葛元嘗以其一煉

丹水特清旱不枯涸每有靈恠蕩激而起其波高  
丈餘

集真觀在縣南四十五里白峯山下紹興中劖地得石  
鐫集真二字故以為名

天台

桐栢崇道觀在縣西北二十五里舊名桐栢唐景雲二

年為司馬承禎建回環有九峯

玉女卧龍紫霄翠微玉泉蓮華

華林香琳玉霄

自福聖觀北盤折而上至洞門長松夾道

孫綽賦所謂蔭落落之長松是也吳赤烏二年葛元即此煉丹今有朝斗壇洎承禎所建堂有雲五色因禁封內四十里毋得樵採又傳承禎所居

黃雲常覆其上故有黃雲堂元晨壇

自頌云堂號黃雲俯蔭真

炁壇名元晨仰窺清景

鍊形室鳳軫臺朝真龍章閣又有衆

妙臺

蓋以篆隸八方三體寫道德經於巨幢置臺上故云

臺下有醴泉後皆

蕪廢太和咸通中道士徐靈府葉藏質新之梁開平中改觀為宮有錢忠懿王所賜金銀字經二百

函及銅三清像

忠懿自為記夏英公疎亦有經藏記

周廣順二年朱

霄外建藏殿國朝大中祥符元年改今額政和六

年建元命殿又有御書閣閔三朝宸翰及高宗所

臨晉唐帖閣今不存紹興二十二年楊和王存中

重建三清殿曹開府勛建三門曹又於觀北結庵

賜號冲霄云

唐崔尚碑云天台也桐栢也代謂之天台真謂之桐栢此兩者同體而異

名同契乎玄道無不在夫如是亦奚必是桐栢耶非桐栢耶因斯而談則無是是無非非矣而稽古者言之桐栢山高萬八千丈周旋八百里具山八重四面如一中有洞天號金庭宮即右弼王喬子

晉之所處也是之謂不死之福鄉養真之靈境故  
立觀有初強名桐栢焉耳古觀荒廢則已久矣故  
老相傳云昔葛仙公始居此地而後有道之士往  
往因之壇址五六畝迹猶在洎乎我唐有司馬鍊  
師居焉景雲中天子布命于下新作桐栢觀蓋以  
光昭我元元之丕烈係綏我國家之永祉者也夫  
其高居八重之一俯臨千仞之餘背陰嚮陽審曲  
面勢東西數百步南北亦如之連山峩峩四野皆  
碧茂木鬱鬱四時並青大岩之前橫嶺之上雙峯  
如闕中天豁開長澗南瀉諸泉合漱一道瀑布百  
丈垂流望之雪飛聽之風起石梁翠屏可倚也琪  
木珠條可攀也仙花靈草春秋競發幽鳥清猿晨  
暮合響信足賞也始豐南走雲嶂間起剡川北通  
煙岑相接東則亞入滄海不遠蓬萊西則浩然長  
山無復人境摠括奧秘鬱為秀絕苞元氣以混成  
鎮厚地而安靜非夫神與仙宅仙得神營其孰能

致斯哉故初營天尊之堂晝日有雲五色浮靄其上三井投龍之所時有異雲氣入堂復出者三書之者記祥也然後為虛室以鑿戶起層臺而繫土經之殖之成之翼之綴日月以為光龍雲霞以為色花散金地香通元極貞侶好道是遊斯息微我鍊師孰能興之鍊師名承禎一名子微號曰天台白雲河內溫人晉宣帝弟太常道之後祖嚴仕隋為親侍大都督父仁寂唐興為朝散大夫襄州長史名賢之家奕代清德慶靈之地生此仙才以為服冕乘軒者寵惠吾身也擊鐘陳鼎者味爽人口也遂乃捐公侯之業學神仙之事科薙教戒博綜無所遺窮冥夷希微妙詎可識無思無為不飲不食仰之彌峻巍乎具若山抱之彌深湛乎其若海夫其通才練識瞻學多聞翰墨之文章之美皆忘其所能也鍊師蘊廣成之德睿宗繼黃軒之明齋虛而求將倚國政侃侃然不可得而動也我



皇孝思維則以道理國叶帝堯之用心寵許由之高志故得放曠而處逍遙而遊聞鍊師之名者足以激勵風俗睹鍊師之容者足以脫落氛埃以慈為寶以善救物神以知來智以藏往允所謂名登仙格迹在人寰與不可測已矣道生乎無名行乎有精分而作三才播而作萬物故為天下母脩之者昌背之者亡故為天下貴況絕學無憂長生久視也哉道之行也必有階也行道之階非山莫可故有為焉有象焉瞻於斯仰於斯若舍是居哉將奚依損之又損以至於無為玄門既崇不名厥功朝請大夫使持節台州諸軍事守台州刺史上柱國賈公名長源有道化人有德養物嘗謂別駕蔡欽宗等曰道以含德德以致美美而不頌後代何觀乃相與立石紀頌以奮至道之光其辭曰邈彼天台嵯峨在巍下臨滄海遙望蓬萊漫若天合呀如地開煙雲路通真仙時來顧我鍊師于彼

瓊臺鍊師鍊師道入玄微喻日安坐凌霄欲飛興  
廢靈觀鍊師改贊道無不為美哉輪奐窈窕  
通天降祥保我皇唐如山是常按此碑乃韓擇木  
書至今珍尚之元稹記云歲太和己酉修桐栢觀  
訖事道士徐靈府以其狀乞文於余曰有葛氏子  
昔仙於吳迺觀桐栢以神其居葛氏既去復荒于  
墟墟有犯者神猶禍諸實唐睿祖悼民之愚乃詔  
郡縣厲其封隅環四十里無得樵蘇復觀桐栢用  
承厥初俾司馬氏宅時靈都馬亦勤止率令其徒  
共執鋸鋸獨持斧鉞手締上清寶帶我軀稜稜巨  
幢衆衆派珠萬五千言體三其書置之妙臺以永  
厥圖不及百年忽焉而蕪蕪久將壞壞其支乎神  
啟密命命文于徐徐實何力敢告俸餘侯用俞止  
俾來不虛曾未訖歲奐乎于乃殿乃閣以康以  
厨始自礎棟周于鐔巧事有終始侯其識歟余觀  
舊誌極其丘區我識全圯孰頌錙銖免咎徐志馮

陳協夫 唐玄宗送司馬詩云紫府求賢士青溪  
阻逸人江湖與城闕異迹且殊倫間有幽栖者居  
然厭俗塵林泉先適性芝桂欲調神地道踰稽嶺  
天台接海瀕音徽從此聞萬古一芳春 宋之問  
寄詩云卧來生白髮覽鏡已成絲遠愧飡霞子童  
顏長自持舊遊惜彌曠微尚日磷緇不寄西山藥  
何由東海期 李嶠送詩云蓬閣桃源兩處分人  
間海上不相聞一朝琴裏悲黃鶴何日山頭望白  
雲 孟浩然宿觀詩云海汎信風帆夕宿逗雲島  
緬尋滄海趣近愛赤城好們蘿亦踐苔輟棹恣窮  
討息蔭憩桐栢采秀弄芝草鶴唳清露垂鸛鳴信  
潮早願言解纓紱從此去煩惱高步凌四明玄蹤  
得二老紛吾遠遊意學彼長生道日夕望三山雲  
濤空浩浩 鄭薰宿詩云深山桐栢觀殘雪路猶  
分數里踏紅葉全家穿碧雲月寒岩嶂曉風遠蕙  
蘭芬明月出林去吹笙不可聞 任翻宿詩云觀

飄雲外客暫起宿仙堂半夜人無語中霄月送涼  
鶴歸高樹靜螢過小池長不得多時住門開是事  
忙李白題云天台隔四明華頂高百越門標赤  
城霞樓樓滄島月踞屐遠登覽直下見溟渤雲垂  
大鵬飛波動巨鰲沒風潮爭泊海神怪何翁忽觀  
奇跡無倪好道心不歇鬱條摘珠實服藥煉金骨  
安得生羽翰千春卧蓬闕周朴題云東南一境  
清心目有此千峯揮翠微人在下方衝月上鶴從  
高處破煙飛岩深水落寒侵骨門靜花開色照衣  
欲識蓬萊今便是更於何處學忘機章得象詩  
云萬仞攀蘿上翠岑豁然平地九峯心參差珠樹  
和雲出咫尺丹霄有路尋洞口碧畦長種玉壇邊  
古篆欲生金桑田未變桃先熟唯見蓬萊水淺深  
元積中詩云九峯窺絕亂雲屯石室瓊臺舊址  
存山嶮密盤之字徑洞深高闢丙方門碧桃花爛  
春溪暖紫玉簫沈月榭昏未覺臺中光景晚人間

歸去見來孫 羅適詩云欲訪琳宮入翠微蒲山  
煙雨正梅時神仙事秘人難問造化功深世莫知  
海近應通三島信年多空見八分碑  
身中龍虎吞天地誰肯留心繼鍊師

福聖觀在縣西北一十五里桐栢山西南瀑布巖下吳

赤烏二年為葛元建舊名天台

類乃元  
飛白書

西北枕翠

屏上有三井號三絕之一洩為瀑布蔽崖而下狀  
垂蛭數百丈有濺珠亭觀前對靈溪東有柳泌史  
君宅號紫霄山居又有隱真中峯蓋梁徐則所居  
之處唐咸通中刺史姚鵠因建老君殿得玉簡上

之刻曰海水竭台山關  
皇家寶祚無休歇

詔付史館國朝大中祥符

四年改今額天聖五年遣中侍投金龍有布衣孟

合附詩以進詔重新之紹興十一年置九天僕射

祠

按衆真記闕  
九天僕射治天台

為

三十年楊侍郎僕妻趙以

老君殿建三清殿

柳泌玉清行云遙遙寒冬時肅  
肅踊太無仰望藥珠殿橫天臨

玉虛下青白日派上造真皇居西牖月門開南衛  
星宿踈王母來瑤池慶雲擁瓊輦魏哉丹鳳觀長  
曳紫霞裾瑩徹聖姿嚴飄飄神步徐仙郎執玉節  
侍女捧金書靈香散彩煙北闕路駢闐龍馬行無  
迹歌鍾聲沸天馭風昇寶座停景宴華筵妙奏三  
清曲高羅萬古仙七珍飛滿座九液酌如泉靈珮

垂軒下旗幡列帳前獅麟威赫赫鸞鳳影翩翩  
盼乃須臾已是數千年劉昭禹詩云盤海西邊  
地宵吟景象寬雲開孤月上瀑噴一山寒人異  
髮常綠草靈秋不乾無由此棲息魂夢在長安  
張無夢詩云天台瀑布落青天觀在天台瀑  
布邊道士祇今燒藥處仙翁曾是種芝田龍居  
古洞遺殘雨鶴出高巢點破煙暫別靈溪遊五  
嶽不知重到又何年李建中詩云永懷閑訪  
道斗上上仙居瀑水磬聲外桂花林影疎山名孫  
綽賦觀額葛元書已負秋來約誅茅興有餘曹  
松題瀑布云萬仞得名云瀑布遠看如織挂天台  
休疑寬尺難量度直恐金刀易剪裁噴向林梢成  
夏雪傾來石上作春雷欲知便  
先銀河水墮落人間今却回

白雲昌壽觀在縣西北二十五里崇道觀西唐大中六

年建舊名白雲庵乾道四年內侍郭守寧棄官  
入道乞改庵為觀遂賜今額

洞天宮在縣西北三十里玉霄峯上唐咸通五年道士  
葉藏質創道齋號石門山居十三年奏為玉霄宮  
周廣順元年朱霄外建三清殿徐靈府小錄又云  
道士陳寡言嘗隱於此號華琳今遺蹟不存國朝  
大中祥符元年改今額有禹鐘高二尺其狀如鐸  
上有隱文又有一大鐘漢乾祐三年所鑄



光明宮在縣西北二十八里按唐徐靈府小錄南桐栢  
北上一峯可五里許長慶元年靈府定室于此寶  
曆元年賜號方瀛國朝大中祥符元年改今額

昭慶院在縣西北二十五里舊名佛窟唐大中六年建

蓋僧遺則卓庵之地唐會昌中廢後道士劉處靜

復創聖祖殿越州刺史李褒奏聞賜號導元

張仁  
頤為

之國朝大中祥符元年改今額中有七星閣唐咸

通中物也

法輪院在縣西北二十五里吳赤烏元年葛元卓庵於

此感三真人降授以真一勸誡法輪妙經

按王簡行院記

真人曰蔚羅翹光妙音真妙光

遂建臺號曰降真漢乾祐中錢氏

復為朱霄外新之仍造檀香像一百軀國朝祥符

元年改今額

妙樂院在縣西北二十五里即王喬仙壇舊名仙壇院

吳赤烏二年建殿前有石泉名醴泉泉南有上真

亭壇東有八角壇今廢獨院東有太子庵朝斗壇

吹簫臺瀛峯室故址尚存

銅鐘一唐景龍二年所鑄

國朝治平

三年改今額

法蓮院在縣西北三十五里舊名蓮峯唐咸通十三年

道士葉藏質建國朝治平三年改今額

聖壽院在縣北二十五里舊名延壽周廣順元年建朱

霄外庵址在焉國朝治平三年改今額

仙居

純熙觀在縣東南一十五里括蒼山下羣峯迂抱谿谷

水潺潺然舊名峽山吳赤烏元年葛元建初元遊  
歷至此山有景雲覆西北遂築室為鍊丹之所詔  
遣官吏建候神館仍賜號焉今丹井尚存後周長  
壽中詔加崇飾唐中和中火乾祐中觀之龍虎神  
夢於吳越王復新之國朝慶歷中又夢於邑士吳  
用堯修堂殿廊廡道士胡道崇初建昊天閣政和  
中用堯之裔孫請改今額宣和二年燬于寇紹興  
五年又重建

隱真宮在縣東南二十里舊名隱玄梁天監五年建本  
吳蔡經故宅先是有漢人王遠得道飛昇三國時  
遊括蒼山過經家謂曰汝有仙骨而未知道以金  
丹餌之及卒舉棺甚輕啟函視無有越四年復返  
姿益少謂家人曰七月七日王真人當來其日王  
果至駕五色龍旌節導從甚都召經父兄見之又遣  
人召麻姑至曰不接奉五百年矣乃迭進肴饌有  
金盤玉笋焉王又以酒一斗勻水五升飲經家人

後舉室上昇今有石曰杵尚存事聞詔建觀以奉

之

曹唐題王遠室麻姑詩云好風吹樹杏花香花下真人道姓王大篆龍蛇隨筆札小天星斗滿

衣裳間拋南極歸期晚笑說東溟飲興長要得麻姑同一醉使人賒酒向餘杭蔡向詩云福地流傳號隱真麻姑曾款蔡翁門白春雲子自堪飽井溢丹泉便可吞山露五峯疑指爪溪盤百疊想裙痕我來既躡靈蹤後知是仙家第幾孫

凝真宮在縣東南三十餘里括蒼洞唐天寶三年因洞

而建

詳見括蒼洞

國朝天禧二年改今額宣和中燬于

寇建炎初重建淳熙九年道士陳會真得內賜道

藏以歸鎮之

章憑詩云昔人騰碧落餘地掃岩隈  
石壁雲長在松梢風自來暗扉通浩

蕩古蔓接崔嵬更欲窮幽隱仙源路已回

張無

夢詩云五雲深鎖洞門深躡履攀蘿特地尋烟靄

不藏塵外路神仙遺下水中金喜遊汗漫華胥宅

重憶崆峒至道心不得方平同一醉紅霞零落我

琴 鐃


### 寧海

天慶觀在縣東二里舊在縣東北五里道士橋側大中

祥符三年詔縣鎮亦立聖祖殿邑人陳繼能捨基而

建康定元年從今地

桃源道院在縣東南一百九十步





赤城志卷三十

欽定四庫全書

史部

赤城志卷三十一至

詳校官監察御史<sub>臣</sub>沈孫璉

檢討<sub>臣</sub>德生覆勘

總校官檢討<sub>臣</sub>何思鈞

校對官中書<sub>臣</sub>高 中

謄錄監生<sub>臣</sub>甯汝櫟

欽定四庫全書

赤城志卷三十一

宋陳耆卿撰

祠廟門

夫以勞定國以死勤事禦大菑捍大患則祀之此先王之制也余觀州之神祠錯峙紛出以其牖一時之民而廟千里之食豈曰無之亦有空山斷蹊踵訛沿謬而風靡波蕩遂贅疣其間者豈其樂鬼重巫越之遺風固爾耶昔狄仁傑巡撫江南毀淫祠至千七百惟存禹太伯

以下四人夫四人者不可數見而千七百之淫祠今未必不爛漫於宇宙間也猶以土俗傳信重於鋤剔姑並存之使來者擇焉

州

城隍廟在大固山東北唐武德四年建初吳尚書屈晃妻夢與神遇生子曰坦有神變能興雲雨後與母俱隱山中及是以屈氏故居為州治祀為城隍神水旱禱祈多驗吳越王時號興聖永安王國朝政

和中以范守祖述請雨立應賜額鎮安建炎三年  
封顯佑侯四年以保護巡幸加通應紹興八年加  
靈惠乾道四年加昭貺慶元二年進靈濟公四年  
加顯佑六年加廣澤嘉泰四年加普應嘉定元年  
進順利王廟屢修嘉定十五年齊守碩又新之遷  
正殿增禰殿寢殿十六年復請諸朝加顯應

靈佑信助侯祠在州治後山祀吳尚書屈晃嘉泰元年  
吳守英雋重建初郡祀屈坦為城隍神故追祠晃

馬世號聖公慶元六年封靈佑尋加信助

三台星祠在天慶觀東舊在聖祖殿後隆興元年趙守

伯圭建按道書州上應三台

如處以處士名婺以婺女名之類故

祠之嘉定九年康守仲穎徙今地

三官堂在天慶觀西廡大中祥符三年道士張日損建

按道書三官職在按籍以察天下善惡故祠之

夏英

公疎記云台之郡治東出百步且北而抵山有古宮室舊傳茅盈駕鶴上仙始建為白鶴觀既廢至

唐明皇興之禁天寶間之臺于庭書以開元之榜唐命既草棟宇將朽自天福五載永嘉威儀葉

後已之門人太元大師黃永乾惠然來居始議興  
葺凡五十祀乃傳門人張日損太和冲融悃悃無  
華黃老之教擇其正而後學藥石起人之意不避  
風雨時議以為長者上即位之十二載教本局以  
禮遣至闕辭疾不起由是遠民始知日損有高尚  
之節會國家降禪于社首有詔改賜觀額為護國  
由是遠民始知朝廷右清静之治乃有石湛來俊  
等獻直三十萬請新三官之堂以列塑像以廣焚  
修既就予往觀之而不知其何神日損曰道家之  
說太虛之上虛皇在焉分命元卿治於紫微鄴都  
清冷之宮而三元按籍考察天下有猾黠詭異苛  
忍暴慢險詖隱隱僭倖欺偽者可殺可奪可貧可  
賤有信厚仁惠恭遜和易謹愿端方孝悌正介者  
可安可壽可富可貴故上天有命宥密無聲疏而  
不漏如合符契者三官之職也噫吾嘗讀聖人言  
有云死生有命富貴在天又云皇天無親惟德是

輔故常疑造化中有主者耶其自然耶果如日損  
言則三官其為主者乎夫位為上真職司造化能  
使天下枉者直善者安暴者天仁者壽貪者損廉  
者益雖盡杞梓之材為之宮備山龍之章為之服  
璽玉帛之禮為之薦日祀而辰享可矣非謂無名  
之土木也予結髮讀書弱冠為吏未嘗為惡惡亦  
不及從今而往益致為善  
以聽陰騭以驗三官之說

元應善利真人祠在天慶觀昊天殿東祀仙人王喬淳

熙九年唐守仲友建初喬為右弼真人治桐栢山

掌天台水旱五代時封元弼真君國朝政和中封

元應真人祠初附桐栢紹興九年旱郡請通守李



彙迎像以禱及境雨洽郡以聞加善利其後唐守

以旱禱亦驗故祠之

唐守記云道家言仙人王子晉受帝命為右弼真人治天

台山祠栢福地坐金庭宮受五岳朝謁總御衆仙其位高其職重其冠服儀衛尊嚴率民以事神其禮宜稱蒙澤而效報者可苟簡而但已耶淳熙辛丑夏旱即以故事迎香火于山至郊而雨邦民咨嗟願致崇敬乃更天慶塑像鑲木加髹綯以奇彩帳座輿輦幢節旌扇葩果燈燭之供皆新之工匠精能金碧輝映瞻者改觀壬寅歲上元慶贊于郡之君子堂後二日奉安于昊天殿之東偏使吾民永有依嚮自周及今數千載真人適益光政和紹興繼錫顯號仲友之報德則已微矣故采國語仙傳效步虛之音為贊詠九章授羽流歌之其詞曰周道昔波蕩王子生不辰忠言諫墮川親意不我

親天壤不可支厥此濁世塵樂師爾何知吾將去  
上竈吹笙洛陽道邂逅浮丘公方瞳一莫逆精思  
嵩高峯劍寫我何有飛馭凌剛風時聞鳳鳴隱  
隱丹霞中弦月何皎皎巖山何巍巍上有白鶴駕  
脚與時人期後天凋三光何必千年歸金闕帝有  
命吾非丁令威帝念下土民山川分百靈命汝右  
弼君秘宇開金庭闔陰陽機五岳趣朝纓暇日  
帝汝思時時來玉京桐栢亦何有清輝照瓊臺衆  
衆注金石萬木羅琳瑯玉室靜窈窕鶴鸞紛徘徊  
紫雲擁飛蓋知是真仙來丹符列素奏黃水晞雲  
漿吾道固欲傳世人殊可傷授汝紫陽周語蘭芽  
山楊食之仙人芝引袂同飛翔丹丘壤千里水旱  
固所司吾民實可矜有守孰不祈應汝捷影響樂  
歲免阻飢萬人齊叫闥天子遠亦知天子錫榮號  
肯我靈宮祠吾道豈加損羣心自瞻依我我芙蓉  
冠劍佩明珠衣自周迄于今千載彌光輝外傳炯

遺迹真誥垂微言子微有妙筆羅列丹青傳我生  
後諸子傾心慕真筌像設儼如在白雲聊續篇

天王堂在州治後城西北祀毗沙門天王唐天寶初建  
武烈帝廟在州東南二里靖越門內祀隋司徒陳果仁  
唐乾符二年守封彥卿建果仁字世威初沈法興  
據江表自稱總管大司馬以果仁為司徒隋大業  
中連平二寇遂拜大司徒初廟于常州唐咸通末  
金陵兵曹丁爽繪像而至夢于守譚洙曰吾願祠  
此譚從之闢基現靈草且禱雨隨應廟遂成乾符四年

封忠烈公廣明二年進忠烈王李氏保大十四年

加今封

佑正廟在巾子山後祠五通淳化五年柳延邵重建按  
廟記吳越時祈禳如響事聞封保德王建炎四年  
賜今額門有雙檜甚古按諸邑皆有廟此為正祠

餘不書

舊傳癸巳之火勢延燎欲東亟禱于神神  
現雲表俄有火飛入祠之後麓回風撲燄

境賴以安又傳鄴之象山土人採銀未獲有黃衣  
人指其所告之且曰吾巾子山下人也倘有獲毋  
相忘後果如其言索金來謝求  
於此祠得之遂新其堂廡云

大固山廟在州北三百步淳熙十年守史彌正重建

小固山廟在州東南二里

鄭戶曹祠在州東一里戶曹巷祀唐鄭虔巷蓋其所居

也俗訛為興福將軍

詳見坊巷舊傳一日里巷有悖其母者母泣訴于廟是子

忽見神叱曰汝不孝當誅但吾志在興福未欲降禍更爾不貸明年是子復然一夕雷雨遂殞此興福之名所由始也

義靈廟在州治後山北祀滕戶曹膺舊祠于天慶觀繼

徙靈康廟東淳熙八年唐守仲友登北山覽膺舊

跡初新廟淳熙十五年江守乙祖徙今地宣和二  
年睦寇方臘嘯聚聲搖二浙膺白郡請為備不聽  
已而民迸走膺慰集誓以死守鳩土豪鄉兵及營  
壁子弟教習號忠義兵未幾仙居寇呂師囊應臘  
攻城守以下且遁膺躬擐甲與戰日戰數十合卒  
礮師囊城遂全洎去為立祠其後歷漕淮西以忌  
廢居興化還無室廬台父老迎之天台沒且葬焉  
慶元元年賜廟額嘉定四年封忠烈侯未幾謚忠

惠邦人以生之日來祭大夫士咸集焉

朱文公熹  
記云慶元

元年春正月勅以台州士民所請故直秘閣滕侯之祠為義靈廟州人老稱聞是命下驚喜歡呼奔走迎拜遵至祠下酌奠以告大書扁榜金朱焯煌揭于門楣庸侈上賜而其耆父學士大夫葉君聖耦等四十餘人亦會祠庭相與言曰往歲盜起幫原連陷六州戎寇所加民無隹類而吾台人獨得全其室家仰父脩子傳世不絕以至于今者滕侯力也沒而弗祀固無以慰吾民之心祀而弗命又無以彰吾侯之德今則廟事既脩而亦章蒙上恩列祀典矣顧無金石以著本初其何以昭報事於長久且當日棄城冒賞之人其子孫猶有存者蓋嘗肆為妄說強拊其祖以遂侵誣之計吾州之人亦斥其偽以控于朝而報紕之矣然或久而不傳則未敢必其無後患也迺以書來請篆其事熹以

衰朽欲謝不能而復自念往使浙東留台最久固已熟聞茲事而有感於中矣別以諸君之請之力其何可辭則應曰諾而病未能也乃今太守周府君臨又因鄞縣主簿趙生師却踵門以請則為考按台人前進士陳君師恭所為日記及故禮部侍郎陳公公輔諸人之銘序贊頌皆言聞亂之初闔郡震恐太守趙資道郡丞李景淵咸愕眙不知所為謀欲遁去他吏相顧亦無敢出一語者侯方司戶曹事過獨慨然請任其責有異議者輒面叱之即日移書諉其父母昆弟而閉其妻子於官舍悉召州人諭以利害人人感泣踴躍聽命乃亟下令發夫守險增埤濬隍除器募兵積糧致用分屯列柵為死守計日夜循撫甘苦同之城中之人始有固志而守丞以下則皆已遁去久矣既而山民呂師囊起兵應賊號十餘萬導以攻城前後數四侯皆應機設械立摧破之手弓臨城壘厥渠帥賊遂



退走卒全其郭凡所存活以六萬計參五其說一  
無異詞是則侯之為烈彰彰明矣獨稽史籍則見  
當時實以守城破賊為丞之功進領郡符就如職  
秩迺與所聞不類而於妄說反有助焉於是更即  
諸書以求其故然後迺見當時守丞雖迺而侯於  
所下文書猶必存其位號寇退解圍丞迎以歸俾  
上功狀而已不預焉丞蓋熙豐故家諸子又皆貴  
仕故得獨冒顯賞慶策書而侯反下從捕盜七人  
之比僅改京秩初階移官旁郡以去是則閻尹擅  
兵賊臣柄國之所為而後來侵誣妄論所由起也  
一時之謬流惑萬世向非台之文獻有足證者民  
吏稱思久而不急則亦何所質証而決其是非哉  
嗚呼是有可嘆也已滕侯名膺字子勤後保南都  
守陳蔡以抗狂寇乘勝竄銳之鋒勲績尤盛勸進  
大元帥於濟州所陳又皆當時天下大計切中機  
會其於建炎紹興之史法當立傳而熹於是書蓋

嘗受詔參筆削矣是以因書此碑而并覈其真偽  
如此不惟少塞台人之意亦使後之執筆者有以  
考焉廟數遷今在城西北隅永慶寺東實侯所再  
築而力戰破賊廩台人迎侯繼室趙夫人及諸孫  
仲宜等使居其旁通判州事呂君祖儉謀為買田  
以資奉守未就而去談者惜之然以台人之德侯  
如此吾知其繼而  
成之者無難也

東嶽行宮在栖霞宮西廡乾道七年重修

靈康行祠在天慶觀東宣和三年建

祠山廣惠行祠在栖霞宮東淳熙十三年建

五顯靈觀王行祠在栖霞宮後山嘉定十四年建即婺

源神也

右四祠按諸邑類有之今不盡載

平園土地廟在州治酒庫乾道五年神降于添差通判  
解舍自稱潘閬來掌酒醴自是隸祀典焉

悟真橋土地廟在橋側舊名黃牛坊橋廟慶元四年更

今名

詳見坊巷

臨海

城隍廟在縣東一百步吳越時封興國侯端拱元年令

王子輿重建

且為之記

靈康廟在縣東南二十里白鶴山祀東漢趙炳炳東陽人能為越方善禁咒與閩人徐登遇于烏傷溪上各試其術以起人疾登死炳入章安神幻事甚衆後為章安令華表所害世傳其屍汭流止今處故祠之以登侑食入國朝疊顯靈異元豐七年賜今額崇寧三年封仁濟侯大觀二年進顯仁公政和三年進靈順王宣和四年加顯佑建炎四年加廣

惠慶元二年加善應開禧三年改善應為威烈宣

和二年廟燬於寇寇退復建淳熙八年唐守仲友

嘉定六年俞守建皆更新之

唐守記云白鶴山在郡城東行二十里有

廟曰靈康其神曰靈順顯佑廣惠王漢人姓趙氏諱炳字公阿生於東陽行於烏傷死於章安人為立祠永康祀于山之趾未有知其所起者自太平興國暨慶歷間繼顯靈異元豐賜額崇寧始封侯大觀進爵政和錫王號宣和建炎增衍鴻名以迄于今蓋王生有道術沒為明靈固嘗應水旱之禱誘閑廣之米商揚神兵以殄寇澄海波以濟龍舟其事迹功德寵榮本末具見于方術傳及鄉貢進士石孺知州事侍郎陳公岩肖之碑宣和辛丑方臘亂睦仙居賊呂師囊應之將逼郡城禱于廟不吉

焚之再攻不克賊退數月新廟成仲友奉命來守以淳熙辛丑歲正月丁巳謁于廟行視棟宇漏腐傾欹像設圖畫遮漫剥落供帳什器故時闕敗念承歟歲方急救飢幸得中熟當議補葺越六日癸亥乙夜城南火西風急將及城圍仲友率官兵撲滅避禱于神須臾風轉西北城獲全六月不雨復以丁巳祈于廟畢事登舟有雲如練自前山覆廟上急雨俄頃止薄暮大雨旬日霑足己巳既謝神休即計工費命臨海令陳處俊主簿向士斐董其事於是州民欲獻其力有登仕郎應世榮者謹恪能幹慨然先衆人身督工役度材必良擇匠必能易槩而新堅壯工緻經始於八月乙巳落成於正月壬午竹木土石博植剗摩設色之工凡一千八百十二用公錢二十七萬有奇民錢二十五萬有奇自寢至門旁及廊廡齋祔之館無不葺圖像器物悉改舊觀距宣和復建六十年矣自茲以往民之

事神不懈益虔謹撫父老頌歌之意而詞曰山龍  
嵒兮江之游靈之宮兮千古惠我兮父母狂童兮  
一炬炫金甲兮神之怒鯨之奔兮清吾土復舊觀  
兮靈之宇歲甲子兮一周薄風霜兮淹留視棟宇  
兮心之憂幸我田兮更收歲獻力兮何求落成兮益  
厥靈之手兮延鴻休煥土木兮一新孰成兮庶民  
莫肯酒兮蘭芬神具醉兮欣欣返鶴駕兮繽紛永  
我思兮無垠願終惠兮邦人章守得象題云白  
鶴何年入紫氣空遺靈跡廟猶存岩崖暗鎖雲根  
老堂殿陰連海氣昏潮上神鳥鳴祭鼓夜深鬼火  
照祠門遠天歸嘆桑田  
事應與麻姑仔細論

德淵廟在縣東北五里法安院側祀白龍潭崇寧五年  
令樓君明改壇而建政和五年賜今額建炎四年

封滋榮侯時禦海赤頰碧瀛湫水四潭同被侯封俗所謂五龍是也隆興二年趙守伯圭重建嘉定十四年令趙彥楣復新之

闕

在縣西一十五里祠禦海潭唐會昌六年刺史喬莊建按廟記先一歲禱雨立驗故祠之建炎四年賜今額封善利侯

靈溥廟在縣西南五十里祀赤頰潭吳赤烏中建國朝建炎四年賜額封護澤侯



靈渥廟在縣東南一百二十里祀碧瀛潭建炎四年賜額封滋應侯

靈濟侯廟在縣西南一十四里祀新現潭乾道七年建

淳熙八年唐守仲友聞於朝賜今封

唐自為記

開濟廟在縣東南一百四十里祀海門潭吳越時建建炎四年賜額

通濟廟在縣東南一百五十里海中祀桃枝潭建炎四年賜額

寧濟廟在縣東南一百二十五里祀淡水潭建炎四年  
賜額

娑竭羅廟在縣東南三十里祀娑竭羅潭相傳兩浙巡  
檢使謝公為建

靈應廟在縣東南一百二十五里祀東遷土地建炎四  
年賜額

盖竹洞廟在縣東南三十里淳熙七年建世傳後漢時  
龍現於此及是唐守仲友禱雨而驗故祠之

絢珠龍祠在縣東四十里本秋水行祠舊傳居近廟者  
不患疫癘初卜地他所既鳩木一夕水漲漂流百  
餘步占之地允勝遂祠之

平水王廟在白鶴山西祀西晉周清俗傳清以行賈往  
來溫台俗呼周七郎娶臨海林氏女俄棄杵化龍  
與女皆不見後有遇之彭公嶼者遂祠之大中祥  
符九年以顯異于溫錫今封按諸邑皆有祠今不

盡載

俗又云此夏禹廟廟在江濱舊傳潮自南來  
雖巨潦至廟下必退近廟田無水患民德而

祠之

白石梁顯德王廟在縣東北三十五里失其名唐建中

二年建舊傳廟有二竹頗異

孔相公廟在縣東一十八里舊傳祀晉孔愉紹興二十  
八年重建愉山陰人永嘉之亂入臨海山中嘗位

左僕射故土人目曰相公按黃岩寧海亦有祠今

不盡載

又按晉書惠帝末愉東還會稽入新安道中今會稽有孔府君廟東陽有孔郎廟歙

縣有孔靈村孔先生廟三郡圖志皆稱孔愉蓋本會稽人又嘗入新安入臨海以故所在祠之也

蔡大王廟在縣南二十里咸平中建按廟籍周蔡叔度  
之後失其名初廟于錢柱山至今石有馬蹄痕會  
大水像流漂止今地故徙而祠云

惠政侯廟在縣西北三十里祀薛長官唐武德中建按  
廟記時有薛其姓者令於此民愛而祠之舊在他  
所會昌中徙今地應順元年復新之

蕭長史廟在縣西北一十里按舊經祀梁時守蕭洽唐  
貞觀二年建洽嘗為臨海太守拜司徒左長史故

云廟在浮崗土人云  
歲祀之則無蚊

董將軍廟在東湖之南世傳錢氏有國時建又嘗錫額

顯應仍封順福王按林師點廟記唐浙東觀察使

也

熙寧中浚湖欲毀廟銜校左良玉董其後左無  
子妻忽夢神告曰留吾廟當以判官為汝子及

寤語良玉遂止不毀後得子  
名譽肖廟之判官卒為名士

鄒將軍廟在縣東南七里白塔山下紹興二年重建舊

傳辛景破孫恩時鄒其姓者戰有功故土人祠之

白馬將軍廟在縣東北一十里開禧二年建按舊經白

巖號白馬山廟因以名

石新婦廟在縣東南七十里以廟山有石婦人狀故沿襲祠之舊在山下唐武德二年建嘉定十三年徙

今地其前面江山有連理木九井焉

詳見山門

江神廟在中津橋東嘉祐中徐守億建時縣西江岸摧墊故乞靈焉初廟于小固山西淳熙中以建橋徙今地

黃巖

城隍廟在縣東四十五步吳越時封永寧侯紹興三十年令龔滂重建有徐先將祠附焉

靈感王廟在縣東五里祀邑人許氏子失其名元祐四年令錢景祥重建舊傳廣明之亂許起義兵衛一邑嘗謂人曰吾死當廟食乃以一石祝天擲之曰石所止吾廟也父老從之俗號許將軍尋封義安侯國朝治平中錫今封

靈通感應安邦王廟在縣西五里祀陳九郎俗稱護國



大聖舊傳陳於漢天福十二年策戰功死以靈顯  
得王封國朝澶淵之役有旗金書王爵里揭陳中  
遂錫今封重建廟後壞建炎二年以呵衛巡幸勅  
新之里正王其姓者以無封額辭事遂寢未幾其  
家以疫死今僅存數掾

昭應廟在縣東一十里祀方巖潭紹聖初封昭應侯政  
和六年復請為今額云

潛濟廟在縣東南一百二十里祀圓巖潭建炎四年賜

額

靈巖廟在縣北一十里祀靈巖潭

方山潭廟在縣南一十七里紹興中邑人任大直西徙

百步

岱石廟在縣西一十七里按舊誌永初景平中建世傳  
神家婺州好遊觀至黃巖而死精爽如在父老祠  
之廟山有巨石數株聳如人形咸以為神顯異於  
此奏封岱石王又傳神嘗與錢塘江神競分其潮

三分今廟北有港潮生則怒濤驚浪可高五六尺  
頗類錢塘邑人號斷江渡焉

徐偃王廟在縣東南二十五里舊傳廟前地嘗產六芝  
按韓愈廟記徐子章禹既執於吳徐之公族子弟  
散之徐揚二州台古揚州也豈亦因其公族子弟  
而廟乎今縣南三十五里古城亦有廟

徐將軍廟在縣西七十里漢乾祐中封助治將軍誥勅  
尚存側有義髻廟附焉

蕭王廟在縣東南一百里

詳見五龍山

葉將軍廟在縣南四十里或謂徐偃王將云

潘大夫廟在縣西六十里祀柏都神土人舊傳晉闕禦

寇海島神降其地每天雨多鐵屑

闕

嘗造

兵器於此

張太尉廟在縣東二里紹興中建俗傳康定中有商人

陳其姓者從岱嶽奉燔以歸宣和寇犯邑晝見神

金甲按兵河岸列幟皆神號寇驚遁邑得全民相

帥祠之

魯神廟在縣東南五里方山下舊傳有二女死葬于此

頗有靈異後奏封魯神侍御

或云有二女來從宮掖揭涉而游水墜衣

裾縮衣水地上穴而成井女死葬其旁遂祠之或又云魯秦二女舊惟有二女像俗傳方山二神一夕炬而入焉後併祠于二女之左

任三子廟在縣西北二十五里

穿石廟在縣東南一百里隋末時建舊傳有一商舟以風濤歟巖側其勢危甚欲登巖而水急不可縻商

志奮拳穴石將以攬舟舟竟覆衆遂神事之廟址  
舊為海塗後以潮淤築其上宣和中復新之

江亭廟在縣北一里永寧江側舟上下必乞靈焉商于  
海者事之尤盛

永利橋廟在橋上開禧二年火逼簷椽杙竟踰河而南有  
枕廟居者抱一神像置于室火亦不犯人傳以為  
異云

新安河西廟在縣南三十里宣和寇亂逼南鄉鄉人禱

焉翼日與寇戰廟前橋上見神立空中飛矢石如雨寇驚走南鄉得全其名橋曰得勝謂此也

天台

城隍廟在縣北二百一十步舊在縣東吳越時封始平侯宣和二年徙今地

黃山廟在縣西一十五里乾道八年建廟有石穿如牛鼻父老云昔海船繫纜處今封護國感應顯慶王應澤明王廟在縣西北三十里祀江白郎周顯德中錫

今額國朝宣和二年重新之

事見白  
即岩

靈澤廟在縣東四十里蒼山祀靈澤潭嘉泰元年賜額  
廟有唐刻今不存

惠濟廟在縣北五十里石橋下祀惠濟潭嘉泰元年賜  
額

靈峰廟在縣東四十里祀靈峰潭嘉定元年賜額

劉阮廟在縣西北三十里雙闕下元祐二年建世傳二  
仙所至即其處



黎將軍廟在縣西六十步祀晉黎護將軍劉元捨宅  
為闡法寺處寺從廟存側有三井邑人汲之舊傳  
即闡法寺之洗菜池俗呼為黎將軍

楊少保廟在縣西一里西橋之北俗傳嘗有大白蛇出  
民禱輒應呼白蛇將軍

折山廟在縣東二十里按松山舊記吳赤烏二年已有  
之相傳神王姓漢豫章人五兄弟皆剽勇遂祠之  
今折山松山明山聖山峇嶺是也

金相公廟在縣西南三十五里世傳為梁普通時人攷南史無之意流俗尊稱也今鎮國院亦有祠

鎮國大將軍廟在縣西六里咸平元年重建父老言民有於廟側得古鏡者文曰始豐寨縣主鎮國大將軍雷燧不知何代人也

赤城山廟在縣西六里舊在卧佛巖側祀韋山神世所謂登壇大神也嘉定十四年徙今地

松山廟在縣東南一十里宣和六年建東有董將軍廟

附焉亦靈驗

峇峇廟在縣東三十里吳赤烏中建

峇山廟在縣西五十里本龍王祠吳赤烏二年建

白皇壇廟在縣西二十五里

據父老言大不經然里俗呼王為皇今廟之左右多

王姓初嘗有王姓居此而偶然効異耶

土墻山廟在縣西三十五里以山形如繞墻故名

獨孤廟在縣西四十里石壁嶺東俗傳一婦人也周顯

德二年建

焦山廟在縣西南六十里吳赤烏二年建

僊居

城隍廟在縣東郭外舊在縣治東七十步吳越時封昇

平侯紹興二十一年徙今地

佑聖真君廟在縣西二里淳熙十二年以舊五通廟改

建

慈感廟在縣北六里祀杜氏二女唐天寶中令鍾離介

建按廟記二女生隋大業末家鬻湯餅甫笄喪父

母庖人挑之二女憤激殺庖人去而之孟溪隱焉  
會溪溢溺死後介寓長安夢二女揖曰吾家孟溪  
君今中第尹吾邑矣後果如其言入境見二枯骸  
置藤上即之道左斧藤藤流血斫石石亦流血又  
舉其骸鈎連有聲遂取以還道遇樵父告曰此石  
藤石稜二夫人鎖子骨也語竟忽不見介嗟異塑  
其骨祠之國朝宣和中民避寇其間寇望山中草  
木皆為兵懼不敢犯慶元二年令趙幼聞以聞遂

賜額

祠廟在縣北三十里  
行祠在縣西二里

應瑞侯廟在縣東二十五里麻姑巖祀管供奉唐時建

初管持詔詣洞宮設齋醮是夕麻姑見管不悟謂

常人也且歸偕行五六里忽化鶴飛入麻姑山而

去管嗟望墜馬死有司奏祠之錫今封紹興二十

一年重建

先是門人蕭德藻赴南宮夢神告以必  
中蕭問何神以應瑞侯對且言上帝檄

我為監門官故相白爾既登第注

仙居主簿視圖課有侯祠首祭焉

紫籐廟在縣北五里祀竹山神唐天寶六年建先是神

夢於明皇謂來呈瑞鳳已而鳳翔止遂以紫籙名

廟及山封瑞應侯為建廣度寺云

詳見紫  
瑋山

三井廟在縣東北三十里祀三井潭皇祐中令陳襄有

禱隨驗欲新廟不果

有謝雨詩云曾禱神龍井雲  
林杳莽間蘋蘩朝薦廟風雨

夜離山百里田疇熟一年園園間因循失報謝石  
險路難攀又云何年修廟貌棟宇已摧殘牲幣三  
時少風泉四月寒野僧多稔穰古木  
有杉藥深欲重修葺蹊跢又解官

彭溪廟在北四十里祀彭溪潭淳熙十四年丞王柄

因禱雨靈驗重建

仁濟廟在縣東五十步祀盤山神崇寧中建

常羗廟在縣西四十里祀常羗山神建炎二年重建俗傳五代時有常三郎者捨宅為金像寺已而升仙故祠之一云神乃顯帝之裔號豕常氏其廟食最久民蒙賴焉

闕蜀王廟在縣西三十里

麻姑廟在縣西南二十五里麻姑山

項羽一作山廟在縣東三十五里俗傳祀漢項羽紹興十



八年建

支將軍廟在縣東七里唐末建舊傳支乃黃巢將也死而顯迹故祠之

赤城廟在縣西七十里祀赤城山神崇寧三年建

石龕廟在縣東一十五里俗傳其鄉土神唐時建

大營廟在縣東南二十五里紹興二十八年建俗傳大營小營二兄弟戰死顯異故祠之

常大將軍廟在縣東三里俗傳常羌伯仲也乾道三年

建

石橋廟在縣西八十里祀胡四郎嘉祐中建

枕海廟在縣西六十里祀枕海山神唐咸通二年建

蒼山廟在縣南四十里祀吳將軍朱剛赤烏元年建

白巖廟在縣南七里紹興中建

靈山廟在縣西一十七里紹興五年建舊傳陰陽家言

此地有異氣運工疏鑿其監官死此嘗有靈異故

祀之其鑿處今號聖坑後廢



赤城志卷三十一

欽定四庫全書

赤城志卷三十二

宋 陳耆卿 撰

人物門一

歷代

攷才於異代自昔難之非吾之難於攷也而彼之難於傳也蓋非有勲業不傳非有名節不傳非有文藝不傳無是三者而非有爵位則不傳爵位之傳與彼三者之傳則又大有逕庭矣今所据惟信史而信史之法應立

傳者固有數不能人人白也以故自漢至五季綿歷如  
許而仕焉者止十人遁焉者止七人寓焉者止十一人  
三者不同而同於傳者也以其所傳推其所不傳則人  
物亦豈止是哉吾知山巔水湄雲谷月嶠必有深藏遐  
蹈而人不得聞者矣

仕進

吳

屈晃

舊經云郡人吳志作汝南人為尚書僕射時  
孫權欲廢和立亮晃諫叩頭流血權不納斥

還鄉里後皓即位封其子緒為東陽亭侯  
弟韓恭為立義都尉緒亦位至尚書僕射

張悌

臨海人為吳丞相天紀四年為  
晉兵所殺見吳志及搜神記

虞翔

章安人為都陽太守按會稽典錄云與御史  
中丞任奕各馳文檄睦若春榮見吳志虞翻

傳注

黃他

為章安小吏身當白  
刃濟君於難見吳志

晉

任旭

章安人字次龍立操清修不染流俗郡將蔣  
秀請為功曹嘗以秀不奉法苦諫不納謝去

久之秀坐事被收歎曰任功曹真人也惠帝  
元帝明帝時咸召不起咸和三年卒子琚位

正 大宗

吳超

章安人為國子祭酒  
後避地東甌見舊志

齊

呂文顯

臨海人永明初為通事舍人與茹法亮等  
並見親厚各住一省世謂四戶見南史

唐

鄭祕書

德宗時以召起白樂天贈詩有赤城別松  
喬黃閣交夔龍之句後謝病居石溝溪

項斯

郡人字子遷按張為唐詩主客圖有清奇雅  
正升堂項斯之語擢進士第官至丹徒尉張

洎集序作  
江東人



孫郃

按方干詩前後序皆云樂安人字希韓登乾寧進士第

遺逸

漢

高察

隱居天台佛隴之北今所謂察嶺是也

吳

鄧盧叙

居章安弟犯公憲自殺乞代

晉

李廞

居臨海兄侍中墓下王導辟為掾不就

褚世標

義熙中隱士

梁

蔣政

字文通避地居寧海鄉人以其姓名山

庾肩吾

字子真新野人信之父隱居天台故哀江南賦云少微真人天台逸民

唐

張漬

天台隱士喻鳧贈詩有道高天子問名重四方招之句王正白集亦有憶天台張處士詩

僑寓

晉

江道

字道載避蘇峻亂居臨海州辟不就後從蔡謨何充之命始出任

許詢

高陽人字玄度清峻不仕遊臨海山不歸後入剡山見初學記

齊

顧歡

鹽官人字景怡年二十隱天台山開館授徒母亡廬墓讀詩至哀哀父母生我劬勞之句輒執書慟哭學者廢蓐

莪篇高帝召之不起

褚伯玉

字元瑜錢塘人少有隱操居瀑布山三十一年高帝詔不起勅於剡白石山立太平館

舍之徐靈府山記又云居桐栢觀小嶺年百餘歲未知孰是

梁

王元規

太原人八歲而孤隨母嫁依舅氏居臨海時年十二土豪劉頊者欲妻以女元規力

辭之後從沈文阿受業仕至祠部郎

唐

顧況

吳中人字逋翁以文入仕終江南郡城有文集二十卷皇甫湜為之序嘗寓臨海有所居

三絕及刺溪至赤城詩

許渾

字用晦大中間為睦郢二州刺史嘗寓于台

任翻

有詩名其題怡幘峯一絕尤膾炙按唐詩主客圖云郡人今按翻所賦台州早春詩有豈

堪滄海畔為客十年來之句則知其寓此耳

王展

前進士寓天台項斯有懷王展先輩在天台山詩云赤城山下寺無計得相隨又見白郎

岩記

周朴

泉州人張為唐詩主客圖有清奇雅正入室周朴之語為天台道士後入仕

莫彥脩

按孫郛作才名志云前進士莫彥脩本貫鄞川徙居台州

赤城志卷三十二